

मार्निंग डोगरी न्यूज़ बुलेटिन, समे. 09-20 Hrs

<><><><><><>

Headlines

1. गृहमंत्री अमित शाह होर त्रै दिनें लेई जम्मू कश्मीर दे दौरे पर आवा'रदे न। इस दरान ओह सुरक्षा स्थिति दा जायजा लैंगन ते विकास परियोजनाएं दी शुरूआत करगंन।
2. राष्ट्रपति द्रौपदी मुर्मू होरें वक्फ संशोधन विधेयक 2025 गी मजूरी दित्ती।
3. सुप्रीम कोर्ट दे कौलेजियम नै न्यायमूर्ति अरूण पाली होरें गी जम्मू ते कश्मीर ते लद्दाख हाई कोर्ट दे मुख् न्यायधीश दे तौर पर नियुक्त करने लेई सिफारश कीती।
4. राम नोमी दा ध्यार पूरे जम्मू कश्मीर च धार्मिक श्रद्धा कन्नै मनाया जा'रदा ऐ। उपराज्यपाल ते मुख्मंत्री होरें इस मौके पर लोकें गी शुभकामनां दित्तियां।
5. धार्मिक सैलसफा गी बढ़ावा देना सरकार दी पैहली तरजीह ऐ, आखेआ मंत्री सतीश शर्मा होरें

<><><><><><>

HM J&K(byte)

केन्द्री गृहमंत्री अमित शाह हुंदा अज्ज जम्मू कश्मीर दा दौरा लाने दा कार्यक्रम ऐ। अपने दौरे दरान ओह सुरक्षा स्थिति दा जायजा लैंगन ते सुरक्षाबलें कन्नै गल्लबात करगंन। अपने त्रै दिन दे दौरे दरान शाह होर बीजेपी दे विधायकें कन्नै जम्मू च बैठक लांगन। एह्दे अलावा यूनीफाइड मुख्यालय च सुरक्षा जायजा बैठक ते सलाना श्री अमरनाथ जी दी यात्रा दी तैआरिएं दी बी समीक्षा करगंन। ओह वर्चुअल माध्यम राएं केई सारी परियोजनाएं दा जम्मू कश्मीर च उद्घाटन करगंन ते केइएं दा नीह पत्थर रक्खगंन।

<><><><><><>

Prez Waqf

राष्ट्रपति द्रौपदी मुर्मू होरें वक्फ सेशोधन विधेयक गी मजूरी देई दित्ती ऐ। एह्दे कन्नै गै एह विधेयक हुन कन्नू बनी गेआ ऐ। लोकसभा च इस विधेयक दे पक्ख च 288 ते विरोध च 232 वोट पाए हे। राज्यसभा च 128 सदस्यें एह्दे पक्ख च ते 95 नै एह्दे विरोध च वोट पाया हा। एह्दे कन्नै एह विधेयक दौनें सदनें थमां पारित होई गेआ हा।

<><><><><><>

Special Programme

आकाशवाणी जम्मू दे प्रदेशिक समाचार एकांश आस्सेआ 6 अप्रैल गी वक्फ संशोधन बिल 2025 पर आधारित 25एं मिंटे दा इक विशेष कार्यक्रम बडलै पोने 11 बजे प्रसारित कीता जाग। इस कार्यक्रम च साढ़े परौहने होंगन वरिष्ठ पत्रकार ते जम्मू कश्मीर वक्फ बोर्ड दे सदस्य सोहेल काजमी ते सेवानिवृत्त जज ते जम्मू कश्मीर पब्लिक सर्विस कमिशन दे साबका सदस्य सुभाष गुप्ता। एह कार्यक्रम मीडियम वेव 303 मीटर यानि 990 किलोहर्टज, एफएम 100त्र3 मैगावार्टज ते डीआरएम 981 किलोहर्टज पर सुनेआ जाई सकदा ऐ।

<><><><><><>

SC Collegium

सुप्रीम कोर्ट कौलेजिसम नै पंजाब ते हरियाणा हाई कोर्ट दे जज अरूण पाली होरें गी जम्मू ते कश्मीर ते लद्दाख हाई कोर्ट दा अगला मुख्य न्यायधीश नियुक्त करने दीसिफारश कीती ऐ। मजूदा मुख्य न्यायधीश ताशी राबस्तन होर 9 अप्रैल गी पेंशनी होआ'रदे न। मई 2023 थमां न्यायधीश पाली होर हरियाणा राज्य कनूनी सेवा प्राधिकरण दे कार्यकारी अध्यक्ष दे तौर पर सेवा देआ'रदे न।

<><><><><><>

Community Radio

उधमपुर जिले लेई इक एतिहासक गैह पुट्टदे होई उधमपुर दियां डिप्टी कमीशनर सलोनी राय होरें डीआईजी रईस मोहम्मद भट्ट हुंदे कन्नै मिलियै आर्मी पब्लिक स्कूल, टी.मोड़ च कम्युनिटी रेडियो स्टेशन उधमपुर 89.2 एफएम “दिल की आवाज” दा उद्घाटन कीता। इस रेडियो स्टेशन दा मकसद मकामी विरासत दा लश्न मनाना, समुदाय दिएं अवाजें गी मजबूत करना ते शिक्षा मनोरंजन ते प्रेरक कहानिएं गी सांझा करने लेई इक मंच उपलब्ध करोआइयै नागरिकें गी सशक्त बनाना ऐ। साढ़े संवाददाता अचिन दूबे होरें इस बारे होर जानकारी दिंदे होई दस्सेआ .

<><><><><><>

Ram Noumi

राम नोमी दा ध्यार अज्ज पूरे देसे दे बक्ख—बक्ख हिस्सें ते कन्नै कन्नै जम्मू कश्मीर च बी पूरे धार्मिक, जोश ते उत्साह कन्नै मनाया जा'रदा ऐ। इस दिन भगवान विष्णु दे 7में अवतार भगवान राम हुंदा जन्म होआ हा। राम नोमी चैत्र म्हीने दी नोमी गी मनाई लंदी ऐ। राम नौमी कोला पैहले नौ दिन जिसी नराते आखेआ जंदा ऐ, हिंदू इनें नौ दिने दा व्रत रखदे न।

<><><><><><>

LG-CM Greetings

उपराज्यपाल मनोज सिन्हा होरें ते मुख्मन्त्री उमर अब्दुल्ला होरें जम्मू कश्मीर दे लोकें गी राम नोमी दे इस पावन ध्यार दियां शुभकामनां दित्तियां न। उपराज्यपाल होरें अपने इक सनेए च श्री राम जी गी धर्म, न्याय ते करुणा दा प्रतीक आखेआ जंदा ऐ ते इस पावन ध्यार दे मौके उप्पर सारें लेई शांति ते समृद्धि दी कामना कीती ऐ। मुख्मन्त्री होरें बी श्री राम हुंदे नम्रता ते सदगुण दे मूल्यें उप्पर जोर दित्ता। मंत्री सकीना इत्तू ते मंत्रिमंडल दे होरने सदस्यें बी सारें गी इस ध्यार दिशं शुभकामनां दित्तियां न।

<><><><><><>

Mela Bahu Fort

चैत्र नराते दे सरबंधे च सैलसफा मैह्कमे आस्सेआ ऐतिहासक बावे आली माता दे मंदरै च मेला बाहू फोर्ट 2025 दा सरिस्ता कीता गेआ। एह्दा मकसद जम्मू दा समृद्ध आध्यात्मिक ते सांस्कृतिक विरासत दा जशन मनाना हा। युवा सेवा ते खेड्ड मंत्री सतीश शर्मा होरें इस मौके पर मुख् परौहने दे तौर पर मजूद हे। उनें सब्बने गी शुभकामना दित्तियां ते जम्मू कश्मीर दी शांति ते खुशहाली लेई प्रार्थना बी कीती। उनें आखेआ जे सैलसफा, धार्मिक ते स्यालू खेड्डें गी बढ़ावा देना सरकार दी प्राथमिकता ऐ। उनें सैलसफा मैह्कमे दे जतनें दी सराहना कीती। उनें बावे आली माता मंदरै बारे किले गी डोगरा विरासत दा प्रतीक दस्सेआ।

<><><><><><>

Add Mela Bahu(byte)

हर ब'रे आला लेखा जम्मू कश्मीर धमार्थ ट्रस्ट आस्सेआ रघुनाथ मंदर जम्मू थमां इक शोभा यात्रा कड्डी गई। एह् शोभा यात्रा राम नोमी दे सरबंधे च ही। एह्दी शुयआत धमार्थ ट्रस्ट दे ट्रस्टी अजात शत्रु होरें कीती। एह्दे च 25 बक्ख-बक्ख झांकियां दर्शाइयां गेइयां।

<><><><><><>

Rana Irrigation Projects

जलशक्ति दे मंत्री जावेद अहमद राणा होरें पानी दे कुशल प्रबंधन ते राई-बाई सरबंधी गतिविधिएं गी बधाए गेदे समर्थन गी जकीनी बनाने लेई सिंचाई परियोजनाएं गी समें सिर पूरा करने दी लोड उप्पर जोर दित्ता। सिंचाई ते हाड़ नियंत्रण मैह्कमे दी समीक्षा बैठक दी अध्यक्षता करदे होई मंत्री होरें राई-बाई लेई असरदार सिंचाई प्रबंधन दे महत्व उप्पर लोह् पाई। उनें हाड़ प्रबंधन ते बन्ने आले थाहरें लेई कार्यक्रमें सनें मुख् योजनाएं दी प्रगति दी बी समीक्षा कीती।

<><><><><><>

Udhampur Farming(Dispatch)

उधमपुर जिले च राई—बाई दे तौर तरीके च उप्परोतली बदलाव ते सुधार दिक्खने गी लब्बै करदा ऐ। केई करसान सरकार आस्सेआ चलाई जा'रदी स्कीमें दा पूरा पूरा फायदा हासल करदे होई खेती करसानी ते एह्दे नै जुड़े दे होरने क्षेत्र च नमिएं तकनीकें ते साइंसी ढंग यरिस्ते अपनाइयै बेह्तर तरीके नै कम्म करा करदे न। मते करसान सरकारी मदद कन्नै नमीं तकनीक पर आधारित पॉली हाउस बना करदे न। जिले च मैह्कमा राई—बाई आस्सेआ 10 हाईटैक ते 39 घट्ट लागत आले पॉली हाउस तैआर कीते गेदे न।

<><><><><><>

IPL

आईपीएल क्रिकेट च कल राजस्थान रॉयल्स नै पंजाब किंग्स गी हराई दिता। राजस्थान नै पैहले बल्लेबाजी करदे होई तय 20 ओवरे च 4 विकेट पर 205 रन बनाए। जवाब च पंजाब किंग्स 9 विकेट पर 155 रन गै बनाई सकी। राजस्थान आस्तै यशस्वी जायसवाल नै सब्बनें था मते 67 रन बनाए। पंजाब आस्तै लॉकी फर्ग्यूसन नै दो विकेट लैते। जवाब च पंजाब किंग्स 9 विकेट पर 155 रन गै बनाई सकी। राजस्थान दी तरफा जोफ्रा आर्चर नै 3 विकेट लैते। आर्चर गी प्लेयर ऑफ द मैच चुनेआ गया। इक होर मैच च, डेल्लील कैपिटल्स नै चेन्नई सुपर किंग्स गी 25 रन कन्नै हराई दिता। डेल्ली दे 184 रन दे लक्ष्य दे परते च चेन्नई सुपर किंग्स 158 रन गै बनाई सकी। प्रतियोगिता च अज्ज हैदराबाद च सनराइजर्स हैदराबाद दा सामना गुजरात टाइटन्स कन्नै होग। एह मैच संजा साढ़े सात बजे शुरू होग। गुजरात 3 मैचें च दो जीत कन्नै अंक—तालिका च त्री थाहर पर ऐ। हैदराबाद 4 मैचें च सिर्फ इक जीत कन्नै तालिका च सबने था हेठ ऐ।

<><><><><><>